

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر
اعلانانک بهرندن بر مجیدیه اخذ
ایدیلور

نسخه سی ۴۰ پاره در

تجدیدیه

شملکی در سعادت ایچون مجیدیه
پکرمی غروش حسابیله التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تجربیات

سوریه ولایتی مرکز بدایت محکمه سی حقوق
دائرة سی ریاستی آیدین ولایتی مرکز بدایت محکمه سی
حقوق دائرة سی رئیس فزیلتو حسن فهمی افندی به
آیدین ولایتی مرکز بدایت محکمه سی حقوق
دائرة سی ریاستی سوریه ولایتی مرکز بدایت محکمه سی
حقوق دائرة سی رئیس رفتلو زهدی افندی به تفویض
بیورلمش ومومی الیها ذاتاً مخالف بولمشدر.

طر بزون ولایتی استیناف محکمه سی مدعی عمومی
عزتلو عمر لطفی بک ایله چورلی قضای بدایت محکمه سی
جزا دائرة سی رئیس عزتلو احمد نعیم افندی به ترفیعاً
رتبه ثانیه صنف ثانسی توجیه بیورلمشدر.

تبلیغات

اجرا دائرة سنجه متفرق مراد قائم لایله بعد المزیاده
داین عهده سنده تقرر ایدن اموال غیر منقوله نك
انای احواله قطعی سنده مدیونك بالمراجعه اموال
مذکورده دن یالکزر برینك بدلی تسویه ایده جکی
جهتله حمزك فکنی ادا ایلدیکی تقدیرده نه یوله
معامله اوله جفی شیله قضای بدایت محکمه سی
ریاستندن استفسار اولندیغندن بحثله تعیین معامله ده دائر
در سعادت استیناف محکمه سی مدعی عمومیلکدن
اعطا قلنان مذکره اوزرینه، دوائر اجراییه جه اجرا
قلنان مزایده نتیجه سنده تقرر ایدن بدلاک ایکنجی
بر اخبار نامه ایله مدیونه تبلیغندن مقصد دین
محکوم بهی اعطا ایتدیکی تقدیرده مالک تقرر ایدن
بدل مذکور ایله آخره فراغ اوله جفی اخطاردن
عبارت بولمسنه نظراً دینی تمامیه تسویه ایدن
مدیونك اموال غیر منقوله سی حقنده جریان ایدن
احاله قطعی معامله سنك فسخ وابطالیه حمزك فکی
واموال محجوزه نك عهده سنده ابقاسی طیبی
اولدینی کبی بشقه بشقه مراد قائم سیله مزایده

اولنان غیر منقولادن یالکزر برینك تقرر ایدن
بدلی اعطا ایلدیکی حالدیه بوبدل نسبتده حصه دینی
تسویه وایفا ایتمش اولمسی اعتباریه بیع وفروختندن
صرف نظر اولنق ایجاب ایده جکندن ومع هذا
بدل مذکور ایله دیگر املاک اثمائی دین محکوم بهک
تماماً تسویه سنه کافی اولمدینی صورتده تفریق اولنان
سالف الذکر املاک تکرار حمز و مزایده به وضعی
جای تردد اولدیغندن صور محرره وجهله ریاست مذکورده
تبلیغات مقتضیه ایفاسی انجمن عدلیه دن افاده قلمشدر.

محاکمه و مقدمات

یکیت نام شخصی قتل ایلدیکی ادا اولمسنندن دولای
جنايته اتهام اولنان یوسفک اون بش سنه مدته کورکه
قونلسنه دائر دیاربکر ولایتی استیناف محکمه سی جزا
دائرة سندن ویریلان ۱۶۶ نومرولی اعلام

سلیمانی قتل ایلدیکی ادا اولمسنندن دولای
جنايته اتهام اولنان ارکوبلی سلیمانک بش سنه مدته
حبسنه و ختام مدته ضبطیه نظارتی التنده بولندیلمسنه
دائر در سعادت جنايت محکمه سندن ویریلان ۱۲۳
نومرولی اعلام

یاغجی مصطفی افندیکن مغازه سنی کشاد و دروننده
بولنان قاصه سنی شکست ایدرک اچیه وسائر سنی
سرقت ایلدیکی ادا اولمسنندن دولای جنايته اتهام
کاملک اوچ سنه مدته کورکه قونلسنه دائر در سعادت
جنايت محکمه سندن ویریلان ۸۹ نومرولی اعلام

زوجه سی حبیبیه ضرب و قوللرندن طوانه
تعلیق ایله اشکنجه ایدرک مزبورده نك وفاته سیبیت
ویردیکی ادا اولمسنندن دولای جنايته اتهام اولنان
پلاز علی نك بش سنه مدته کورکه قونلسنه دائر
در سعادت جنايت محکمه سندن ویریلان ۱۶ نومرولی
اعلام

عثمان بن خلیلی جرح و اخناق ایلدکری ادا
اولمسنندن دولای جنايته اتهام اولنانلردن قوج حسینک
وقوع وفاتیه حقوق عمومی دعوانک سقوطنه

ومحمد علی نك اون بش سنه مدته کورکه قونلسنه
دائر در سعادت جنايت محکمه سندن ویریلان ۱۰۶
نومرولی اعلام

تلی قریه لی محمدی قتل ایلدیکی ادا اولمسنندن
دولای جنايته اتهام اولنان عارفک اون بش سنه
مدته کورکه قونلسنه دائر در سعادت جنايت محکمه سندن
ویریلان ۱۹ تموز سنه ۳۱۶ تاریخلی اعلام

صغر چوبانی رستمی قتل ایلدیکی ادا اولمسنندن
دولای جنايته اتهام اولنان افه ابراهیمک بش سنه
مدته کورکه قونلسنه دائر اذمید سنجایی بدایت
محکمه سی جزا دائرة سندن ویریلان ۳ نومرولی
اعلام

سقراطی قتل ایلدیکی ادا اولمسنندن دولای
جنايته اتهام اولنان پریکی نك اون بش سنه مدته
کورکه قونلسنه دائر در سعادت جنايت محکمه سندن
ویریلان ۴۶ نومرولی اعلام

آقارحه قریه لی محمد امینی جرح و قتل ایلدیکی
ادا اولمسنندن دولای جنايته اتهام اولنان احمدک
اون بش سنه مدته کورکه قونلسنه دائر اذمید
سنجایی بدایت محکمه سی جزا دائرة سندن ویریلان
۷۵ نومرولی اعلام

زوانده محله لی پنا یوطی جرح و طاشوشولینی
قتل ایلدیکی ادا اولمسنندن دولای جنايته اتهام
اولنان رضانک اون بش سنه مدته کورکه قونلسنه
دائر یانیه ولایتی استیناف محکمه سی جزا دائرة سندن
ویریلان ۴۳ نومرولی اعلام

ساقزلی اولغانک اسقاط جنینی ایله وفاته سیبیت
ویردیکی ادا اولمسنندن دولای جنايته اتهام اولنان
اجزاجی یانینک اوچ بحق سنه مدته کورکه قونلسنه
وزونچیه نك ایکی سنه حبسنه دائر ساقز سنجایی
بدایت محکمه سی جزا دائرة سندن ویریلان ۱۲۵
نومرولی اعلام

قوجه قریه لی توفیقه قتل قصدیه تشهیر سلاح
ایلدیکی ادا اولمسنندن دولای جنايته اتهام اولنان
عبداللهک اوچ سنه مدته کورکه قونلسنه دائر نابلس

سنجانی بدایت محکمه سی جزا دائره سندن ویریلان
۱۹۳۳ نومروی اعلام
احمدی قتل ایلدیکی ادا اولنسندن دولای
جنايته اتهام اولنان محمدك اونیش سنه مدته كوركه
قولنسنه دائر سوریه ولایتی استیناف محکمه سی جزا
دائره سندن ویریلان بلانومرو اعلام
عمر نام شخصك مضروباً وقانسه سیبیت
ویردیکی ادا اولنسندن دولای جنايته اتهام اولنان
حسنك بش سنه مدته كوركه قولنسنه دائر حلب
ولایتی استیناف محکمه سی جزا دائره سندن ویریلان
۵۴ نومروی اعلام
قره قو قریه لی مری قتل ایلدیکی ادا اولنسندن
دولای جنايته اتهام اولنان حسنك اونیش سنه
مدته كوركه قولنسنه دائر حلب ولایتی استیناف
محکمه سی جزا دائره سندن ویریلان ۲۸۷ نومروی
اعلام
صالی قریه لی عبدالکرمی قتل ایلدیکی ادا
اولنسندن دولای جنايته اتهام اولنان فلاح شریفك
اون بش سنه مدته كوركه قولنسنه دائر كركوك
سنجانی بدایت محکمه سی جزا دائره سندن ویریلان
۱۳۲ نومروی اعلام
حسینی قتل ایلدیکی ادا اولنسنندن دولای جنا
يته اتهام اولنان جاسمك اون بش سنه مدته كوركه
قولنسنه دائر بغداد ولایتی استیناف محکمه سی جزا
دائره سندن ویریلان ۲۵ نومروی اعلام
ویرمیل قریه لی یانی بیاقله جرح و قتل ایلد-
یکی ادا اولنسنندن دولای جنايته اتهام اولنان
ونجیر علینك اون بش سنه مدته كوركه قولنسنه دائر
منتشا سنجانی بدایت محکمه سی جزا دائره سندن
ویریلان ۳۵ نومروی اعلام محکمه تمیز جزا دائره-
سندن تصدیق قلمشدر.

۳۳۲ نومروی نسخه ده مندرج در سعادت
جنايت محکمه سی اعلامنك مابعدی :
مذکور اطه ده انسطاشك خانه سنده مقیم قیوچی
اوتوز بش یاشنده ماطی بیرام بن حسن وقعه
کیجه سی قوچو ماندولی نك خانه سنده یاتمقده لر ایکن
الننك خانه سندن بولندقلری اطه یه آشك سرایت
ایتمکده اولدیغی کوره رك زقاغه چیققدقلری ومرقوم
قوچونك حریقدن اون کون مقدم خانه ده بولنان
اشیانی الوب کوتورمش وخانه ده اسکی بربورغان
ایله چوروك برقرار بوله وبرماکنه ایانی براقش
اولدیغی افاده سنه موافق اوله رق بیان ومرقوم
قوچونك بورچی اولوب اولدیغی بیلمدیکی

ویدیکی قوچو متهملردن قوچو ماندولی ایدوکنی
اینان ایلدی .
بیوك اطه ده مقیم قیوچی یکریمی ایکی یاشنده
زفر بن تیمور وقعه کیجه سی متهملردن قوچو
ماندولی نك حریق اولان خانه سنده یاتمقده لر ایکن
بولندقلری اطه نك یاتمقده اولدیغی کوره رك زقاغه
چیققدقلری وحریقدن اون کون مقدم مرقوم قوچو
برر ایکیشر اشیانی طاشیدیغی کوردیکی وحریقك
الننك خانه سندن اوله رینه سرایت ایتدیکی
مضبوط افاده سی دائره سنده اخبار وشهادتی متهملردن
قوچو ماندولی حقتده ایدوکنی تذکار ایلدی .
بیوك اطه ده ایانی عله سنده ساکن آراهه چی
قرق درت یاشنده نیقولی ولد پناپوط خانه سنده
بولنان فضله اشیا دن برورو ویرینه ویدی عدد
صندالیه یی اقرباسندن نظام یاقونك خانه سنه امانه
براقدیغی وبالاخره یاقونك دخی مذکور اشیا یی
موافقتیه قوچو یابو ویرمش اولدیغی ماده حریقدن
وقوچو ماندولی نك اشیا قاجر دیغندن معلوماتی
اولدیغی مضبوط افاده سی وجهله اتیان ایتدی .
بوغاز ایچنده اورته کویده کوبری زقاغنده درت
نومروی خانه ده ساکن الی طقوز یاشنده باغچوان
یانی میخالاکی افندی ولد یانی متهملردن قوچو
ماندولی نك برنجشبه کونی خانه سنه کله رك ایکی کیجه
یاندقدن صکره جمعه برستی کونی کیتدیکی ومرقوم
قوچو جمعه کونی اطه یه کیمك ایستدیکی حالده
دکترده تالطم زیاده اولمی حسیدله کیده مدیکی
مضبوط افاده سی دائره سنده یاد وشهادتی متهملردن
قوچو ماندولی حقتده ایدوکنی ویشقه وقت خانه سنده
اصلا قلمدیغی ایراد ایتدی .
بیوك اطه ده نظام جاده سنده مقیم آراهه چی یکریمی
یاشنده دیمتری ولد خرستو وقعه کیجه سی حریق
وقوعبولدیغی خبر اوله رق کیدوب باقدیغنده قوچو
ماندولی نك خانه سنك یاتمقده اولدیغی کوردیکی
واوکیجه ساعت ایکی راده لرند ده دعوته مبنی خانه لرینه
کله رك بعد الطعام ساعت درت ویاخود بش راده لرند
کیتدیکی افاده سنه موافق اوله رق حکایه وشهادتی
مرقوم قوچو یابو حقتده ایدوکنی افاده سنه علاوه
ایلدی .
بیوك اطه ده نظام جاده سنده مقیم الی بش یاشنده سقا
خرستو ولد بورکی وقعه کیجه سی ساعت ایکی
راده لرند ده متهملردن قوچو یابو خانه لرینه کله رك نك
یکدن صکره ساعت درت راده لرند ده کیتدیکی
وساعت الی راده لرند حریق وقوعبولدیغی خبر
المغله کیدوب باقدیغنده قوچو ماندولی ایله الی نك
خانه لرینك یاتمقده اولدیغی کوردیکی وبالاخره

پولیس مامورلرینك قوچو یابونك خانه سندن اشیا
چیقاروب کوتوردرکری مشاهده ایتدیکی افاده یه
موافق صورند ده بیان وشهادتی حاضر بولنان متهملر
حقتده ایدوکنی اتیان ایلدی .
بیوك اطه ده نظام جاده سنده مقیم قهوه چی یکریمی سکر
یاشنده نیقولی ولد مارقو قوچو یابونك خانه سندن
آراهه ایله برطاق اشیا چیقاردقلری کوردیکی
ومذکور اشیا میاننده بولنان جامکان مرقوم قوچو
یابونك اولدیغی بیلمدیکی وورو ویرینه نك دخی
نیقولی بارانك اولدیغی ایتدیکی افاده سنه موافق
اوله رق یاد وشهادتی حاضر بولنان متهملردن قوچو یابو
حقتده ایدوکنی ایراد ایلدی .
بیوك اطه ده مقیم حال اوتوزاتی یاشنده اذمیدی
بورغو ولد یانی قوچو یابونك خطاری اوزرینه حال
لیغور ایله برکلهده یاقو نظاما کیمك خانه سندن برورو
ویرینه ویدی صندالیه آلره رق مرقوم قوچو یابونك
خانه سنه کوتوردرکری افاده سنه موافق اوله رق اخبار
وشهادتی متهملردن قوچو یابو حقتده ایدوکنی تذکار
ایلدی .
بیوك اطه ده مقیم آراهه جیلر کتخداسی قرق
بش یاشنده علغو ولد آندون وقعه کیجه سی حریق
وقوعبولدیغی استخبار ایدرک کیدوب باقدیغنده قوچو
ماندولی ایله الی نك خانه لرینك یاتمقده اولدیغی کور-
دیکی وحریق خانه لره هراکیسی ایچق یوزالی لیرا
قدر ایدوکنی والی نك خانه سنك برقاق جامی قیرلمش
ایسده قوسی قبال اولدیغی حالده زقاقدن مذکور
خانه یه کیریمك قابل اولدیغی وحریقدن یکریمی کون
صکره بر آراهه ایله اشیا نقل ایدمکده اولدیغی کورده
رک سؤالنده مذکور اشیا نك قوچو یابونك اشیا یی
اولدیغی لغت کهایك سوبلیدیکی افاده مضبوطه سی
وجهله بیان وشهادتی حاضر بولنان متهملر حقتده
اولدیغی اتیان ایلدی .
بیوك اطه ده نظام جاده سنده ساکن اون سکر یاشنده
طناش ولد میچو سودچی انسطاشك اخباری اوزرینه
کیدوب باقدیغنده قوچو ماندولینك خانه سنك یاتمقده
اولدیغی کوردیکی وقوچو ماندولی نك حریقدن
مقدم بعضاً خانه سنده وبعضاً ده قوچو یابونك خانه سنده
یاتمقده اولدیغی ومرقوم قوچو ماندولی نك خانه سنده
بربیوك طولاب ویرورو ویر آینه بولندیغی ویشقه
اشیانی اولوب اولدیغی بیلمدیکی افاده سنه موافق
اوله رق حکایه وشهادتی حاضر بولنان متهملر حقتده
ایدوکنی افاده ایتدی .
بیوك اطه ده مقیمه قوندرچی خرستونك
زوجیسی قرق درت یاشنده نقل قاین بنت یانی نك
لسان ترکی به آشنا اولدیغی آکلاشلمغه مع القسم لسان

ترجانی تمین قلنان دعوی وکیللردن الی یاشنده
یاقو قیا افندی معرفیه بعدالتلیف استاع ایدلکده
وقعه کیجه سی قوچو یابو اوغلی دیمتری ایله ساعت
ایکی راده لرند ده خانه لرینه کلوب یکدن صکره کیتدیکی
واوکیجه قوچو ماندولی نك خانه سنك یاندیغی ایشند-
یکتی وحریقدن صکره قوچو یابونك خانه سندن
قره غوغا نه کوتوریلان اشیا نك قوچو ماندولی نك
اشیاسندن اولدیغی طوبدیغی افاده سنه موافق صورند ده
یاد وشهادتی حاضر بولنان متهملر حقتده ایدوکنی
ایراد ایلدی .
اشبو شاهدرلک هر بررلرینك شهادتلی ختام
بولدقه نه ده چکری متهملردن صورلدقه قوچو
ماندولی اشیا قاجر مدیغی و خانه سی دیوارچی طناشه
انشا ایتدیگینی بیان ویدیکر متهم قوچو یابو دخی
دیجه کی اولدیغی اتیان ایتدیلر .
شاهدلردن آرسلان افندیك بولنه مدیغی جلب
نامه سی ظهرند ده محرر شرحدن آکلاشلمش ولقر
کهایه دخی جلبنامه تبلیغ اولنسنده حالده کلامش
اولدیغندن معاون مومی الهک طلیله لغت کهایدن
یادم التون جزای تقدی اخذ اولتی اوزره احضاراً
جلبنه و آرسلان افندی حقتده تحری مذکره سی
ویرلسنه و محاکمه ک بوم آخره تملیغه متفقاً قرار
ویرلیدیکي وجانب ریاستدن حقوق شخصیه ادا سنده
بولنایان الی ایله ده بعض کسانك اظهار حقه مدار
اولتی اوزره جلبلی بالتنبیب اغستوسك اوچنچی
صالی کونی متهملر توقیف خانه دن کوتوریلرک مدافعه
وکیللردن سعدالدین بکک عدم ورو دینه مینی متهملرک
قبول موافقتیه وکیل تمین قلنان واوراق دعوی
محکمه قلمنده مطالعه ایله مدافعه به مهیا بولندیغی
سولیان محکمه نزدنده مستخدم دعوی وکیللردن
عتان طلست بک ویدیکر وکیل علكسان افندی
ومدعی عمومی معاوئلردن عزتلو مظهر بک حاضر
اولدقلری حالده محاکمه علنیه به دوامله هیئتجه قضا
تیبیلد وقوعنه بناء ضبط سابق اوقوندریلره رق
مندرجاتی طرفین تصدیق ایلدی .
ادعاشاهدلردن اولوب کچن حکمه ده کلامسندن
ناشی جزای تقدی ایله محکوم بولنان بیوك اطه ده
مقیم التش اوج یاشنده لغت کهای ولد طناشك ورود
ایتدیکی خبر ویرلمکده حضور محکمه یه چیقاریلره رق
لدی السؤل طرفینه قرابت ومناسبت وخصومتی
اولدیغی آکلاشلدقندن اصولی وجهله تحلیلی اجرا
قلمدقدن صکره مواجهه استاع اولدقدنه متهملردن
قوچو ماندولی نك خانه سی قرق لیرا قیستده اولدیغی
حالده مرقومک مذکور خانه یی اوچسوز لیرا به
سیغورطه به وضع ایتدیکی وقوچو ماندولی نك اشیا

سنگ برقیسی قوچو یابونك خانه سنده اولدیغی خبر
ویرلمکده مرقوم قوچو یابونك خانه سی تحری
ایتدکلرند ده قوچو ماندولی به عاقد بر قرغان وایکی
تجربه ویرطاوا ویرتیسی ویرقونسول ویر آینه ویر
ساعت وایکی لامیه ویر جامکان ویشربه وصدالیله
بولدقلری مضبوط افاده سی دائره سنده یاد وشهادتی
حاضر بولنان متهملر حقتده ایدوکنی ایراد ایلدی .
بوشاهدك ذات وشهادته نه ده چکری متهملردن
صورلدقه بولنردن قوچو ماندولی مذکور اشیا دن
برتکنه ایله برقرغاندن ماعداسی کندوسنك اولدیغی
بیان وقوچو یابو دخی بوتکنه ایله قرغاندن غیری
اشیا کندوسنك ایدوکنی اتیان ایتدیلر .
(مابعدی کله جک نسخه یه)
قالیونی به محل ناموس سوز سولیلرک اموال
منقوله سنه ایراث خسار ایتدیکی اصولاً ثابت اولان
لشونك اون کون حبسنه
ابراهیم اطاله لسان ایتدیکی ثابت اولان
مخوددن یارم التون جزای تقدی اخذینه
حسن بکک خانه سندن الماس ایکنه سرقت ایتدیکی
اصولاً ثابت اولان دسپینا نك الی ماه حبسنه
قصاب بنیامینه اطاله لسان ایتدیکی ثابت اولان
قصاب یاقودن برالتون جزای تقدی اخذینه
بورکی ضرب وجرح ایتدیکی ثابت اصولاً
اولان بورکی ویاپیدن برالتون آلنه رق مضروب به
اعطاسنه
طباقی مشونی ضرب ایتدیکی اصولاً ثابت
اولان یاسفك اون بش کون حبسنه
محمدی ضرب ایتدیکی اصولاً ثابت اولان عملده دن
محمدك برهفته حبسنه
محمدی ضرب وجرح ایتدیکی ثابت اولان
ابراهیمك اون کون حبسنه
مازی ضرب ایتدیکی اصولاً ثابت اولان
آندندن ایکی آلتون آلنه رق مضروب به اعطاسنه
اقامت ایتدیکی خانه نك اوجاق باجه سی تطهیر
ایتدیرمیه رك اشتعاله سیبیت ویردیکی اصولاً ثابت
اولان اویمه چی اندریدان ایکی مجیدیه جزای تقدی
اخذینه
محمد بک اطاله لسان ایتدیکی ثابت اولان حاجی
محمد اغادن برالتون جزای تقدی اخذینه
ابراهیم ایله سلیمان قاتشیر ایدرک اشیا لرینی
سرقت ایتدیکی اصولاً ثابت اولان محمدك برسنه
حبسنه
حسینی ضرب ایتدیکی ثابت اولان شرف الدیندن
برالتون آلنه رق مضروب به اعطاسنه

ابراهیم افندی ضرب ایتدیکی اصولاً ثابت
اولان محسنه خانمك اون بش کون حبسنه
عارف افندیك مجروحیته سیبیت ویردیکی ثابت
اولان خرستونك برهفته حبسنه
سلیمانك آچمسی سرقت ایتدیکی ثابت اولان
علینك اون ماه حبسنه وختام مدت جزایه سنده
ضابطه جه کفالت آلتنه آلتنه
پاندلی ایله سیمونک یکدیگرکله مضارب ایتدیگیزی
ثابت اولدیغندن پاندلینك اون کون وسیمونك برهفته
حبسلرینه
الی نك جامنی شکست وضرر بوردی ضرب ایتدیکی
ثابت اولان لامبونك اونیش کون حبسنه
امینه خانه اطاله لسان ایتدیکی ثابت اولان
سعادت خانمك اونیش کون حبسنه
رنجیر احمدی ضرب وجرح ایتدیکی ثابت
اولان قسطنینك برهفته حبسنه
یاقو ایله یاسنی ضرب وجرح ایتدیکی ثابت
اولان شریجی ایلیانك اون کون حبسنه
حسنینك خلاف تنبیه حرکتی ثابت اولدیغندن
بش بشلک جزای تقدی اخذینه ومرقومک زوجیه
سی سینم خاتونك دخی زهرانی ضرب ایتدیکی ثابت
اولدیغندن برهفته حبسنه
سلیمك آچمسی سرقت ایتدیکی ثابت اولان
استاورینك اوچاه حبسنه وختام مدت جزایه سنده
ضابطه جه کفالت آلتنه آلتنه
حسنین افندیك جامنی قیردینی ثابت اولان
اییش اغادن اون بشلک جزای تقدی اخذینه
روسیه واپور قومانیسندن اشیا سرقت ایلد-
یکی ثابت اولان صوانك اوچاه حبسنه وختام مدنده
ضابطه جه کفالت آلتنه آلتنه
یانی ضرب وجرح ایتدیکی ثابت اولان
پناپوطك برهفته حبسله برابر برلیرا آلوب مجروح به
اعطاسنه
قصاب رفعت اغانك پاچه لرینی اخذ وسرقت
ایتدیکی ثابت اولان علكسینك اوچاه حبسنه وختام
مدنده ضابطه جه کفالت آلتنه آلتنه
قاممقام علی رضا بک اطاله لسان ایتدیکی ثابت
اولان عربه چی علینك برآی حبسنه
ادهبی ضرب ایتدیکی ثابت اولان بسیمك برهفته
حبسنه وکندوسندن برلیرا آلوب مضروب به اعطاسنه
خلاف تنبیه اوله رق اوزرنده سلاح طاشیدیغی
واجرای مأموریت حالده قومیسر طوفان افندی به
معامله تحقیر به ده بولندیغی ثابت اولان قهوه چی حیدرک
برآی حبسنه

قسطی به محل ناموس سوز سويليه رك جاملرني
قيردينی اصولاً ثابت اولان اندونك برهفته حبسه
درسعادت ، بك اوغلي واسكدار بدایت محكمه لری
جزا دائره لر بنجه قرار ویرلمشدر .

الاعانات

ارضروم استیناف مدعی عمومی لکنده :

سرچم قریه لی فرهاد اوغلی اسماعیلک اشیا
وحیوانلارک سرقندن طولای مظنون بولنلاردن
علی اسمینک اوغلی خضر وحسو وطوشکوار اوغلی
قلونک ارزنجان بدایت محكمه سی جزا دائره سنده
محاکمه لری اجرا قلنمق اوزره جنایتله اتهاملرینه
قرار ویرلمش وکندولرینک وادی فراده بولندقلری
اوراق تحقیقه مندرجاسندن اکلاشلمش اولمغه
مرقومونک هرزده کوریلورلر ایسه دردستلریله
محكمه مذکوره توقیفخانه سنه تسلیمه بالجله ضابطه
عدلیه مأمورلرینک مجبور بولندقلرینی مشعر اشبو
اخذوگرفت مذکوره سی ارضروم هیئت اتهامیه سندن
بالتنظیم اعطا قلندی .

باسینلر قضاسنک دانشمند قریه سندن جوشمونک
جرح وقتلندن طولای مظنون علیه قریه مزبورلی
قره بك نام شخصک ارضروم استیناف محكمه سی
جزا دائره سنده محاکمه سی اجرا ایدلک اوزره
جنایتله اتهامه قرار ویرلمش اولدیغندن مرقومک
هرزده کوریلور ایسه دردستلیله محكمه مذکوره
توقیفخانه سنه تسلیمه بالجله ضابطه عدلیه مأمورلرینک
مجبور اولدقلرینی مشعر اشبو اخذوگرفت مذکوره سی
ارضروم هیئت اتهامیه سندن بالتنظیم اعطا قلندی .

قلعه سلطانیه بنجانی بدایت محكمه سی جزا دائره سنده :

بیغا قضاسنه تابع چاک ناحیه سنک قوجه یابلا
قریه سندن اسماعیل اوغلی شاكر قزی درت یاشنده
حوا حقنده اجرا ایلدیکی جنایتدن طولای درسعادت
هیئت اتهامیه سندن جنایتله اتهامه قرار ویریلان
اوصاف واشکالی غیر مضبوط قریه مرقومه دن خلیل
اوغلی صالح موقوف بولندینی حبسخانه دیوارینی
دلهره فرار ایتدیکی والیوم اله کچیریه مدیکی قضاء
مذکور مدعی عمومی معاونلکندن کشیده قلنوب
اوراق میاننده بولنلر لغرافامه مآلندن منظم اولمغه
اصول محاکمات جزایه قانونک اوچیز یتش برنجی
ماده سی موجب بنجه قانونه اطاعتله محكمه یه کلی ایچون
جانب ریاستدن مجدداً اون کون مهل ویرلمش اولدیغندن

مدت مذکوره ظرفنده اثبات وجود ایتدیکی حالده
محاکمه سی غایباً بالاجرا حقوق مدنی دن اسقاط
واموالی حجز ایدیلدیکی و بوبابده مرقومک برکونه
دعوی اقامه سنه حق اوله میه جنی کبی بولندینی محلی
بیلنلر خبر ویرمهک وبالجله ضابطه عدلیه مأمورلرینک
مرقومی در دست ایتکه مجبور بولندقلری اعلان
اولنور .

بیغا قضاسنه مضاف چاک ناحیه سنک مرآتیر
قریه سندن کوسه اوغلی خلیل قزی خدیجه حقنده
اجرا ایلدیکی جنایتدن طولای درسعادت هیئت
اتهامیه سندن جنایتله اتهامه قرار ویریلان اوصاف
واشکالی غیر مضبوط کلیسا الاکی قریه سندن ایکیز
حسین اوغلی رمضان موقوف بولندینی صروده بیغا
قضاسی حبسخانه سی دیوارینی دلهره فرار ایتدیکی
والیوم اله کچیریه مدیکی قضاء مذکور مدعی عمومی
معاونلکندن کشیده قلنوب اوراق میاننده بولنلر
لغرافامه مآلندن مستبان اولمغه اصول محاکمات
جزایه قانونک اوچیز یتش برنجی ماده سی
موجب بنجه قانونه اطاعتله محكمه یه کلی ایچون جانب
ریاستدن مجدداً اون کون مهل ویرلمش اولدیغندن
مدت مذکور ظرفنده اثبات وجود ایتدیکی حالده
محكمه سی غایباً بالاجرا حقوق مدنی دن اسقاط
واموالی حجز ایدیلدیکی و بوبابده مرقومک برکونه
دعوی اقامه سنه حق اوله میه جنی کبی بولندینی محلی
بیلنلر خبر ویرمهک وبالجله ضابطه عدلیه مأمورلرینک
مرقومی در دست ایتکه مجبور بولندقلری اعلان
اولنور .

برنجی محكمه بنجانه :

فرانسه دولتی تبعه سندن فرانسه ده فلرس شهرنده
مقیم قاریفه تور موسیو پول پاترینک وکیلی صفیله
حرکت ایدن س . کاتیبان افندیکن تبعه دولت
علیه دن وتجاردن غلطه ده اطه خاننده ساکن ایکن
الیوم اقامتکاهی مجهول بولندینی خبر ویریلان
آرمانده ستور قومپانیه سی علیه امتعه بدلندن
طولای اله جنی اولان یدیکک اوتوز درت فرانک
تحصیلی حقنده محكمه تجارت برنجی مجلسنده اقامه
ایلدیکی دعوانک اشبو اوچیز یکریمی سنه سی
کانون نانیسنک اوچنجی بازار ایتسی کونی ساعت
التیده فصل ورؤیتیه مباشرت اولنه جغندن مذکور
آرمانده ستور قومپانیه سنک یوم وقت مذکوره
محكمه مزبورده حاضر بولنلری ویاخود مصدق
سندله بروکیل کوندرملری لازم کله جکی وشاید
کزلر ووکیل کوندرملر ایسه دیگر طرفک وقوع

بوله جنی طلبی اوزرینه مذکور قومپانیه حقنده
معامله غایبیه اجرا قلنجنی معلوم اولمق اوزره
تنظیم اولنلر دعوتیه ورقه سی اصول محاکمه تجارت
نظامنامه سنک یکریمی دردنجنی ماده سنک فقره
اخیره سنه توفیقاً علی الاصول محكمه نک دیوانخانه سنه
تعلیق قلندینی کبی اوراق حوادث واسطه سیله دخی
اعلان اولنور .

ایکنی بنجانه محكمه سنده :

حاجوپلو خاننده ساکن ایکن ایکنجی تجارت
محكمه سندن افلاسنه حکم اولنش اولان شایقه جی . ق .
ماوریدینک خصوصات افلاسیه سنک رؤیت وتسویه سی
ضمننده دعوی وکیللرندن حسن سلیم وکاتیبان افندیلرک
اصالة سنديک تعیین قلنش اولدقلرندن مفلس مرقوم
ذمتنده الاجنی اولانلرک قانوننامه تجارتک ۱۹۹ و ۲۰۰
نجی ماده لری موجب بنجه تحقیق دیون ایچون تاریخ اعلاندن
اعتباراً یکریمی برکون ظرفنده سنداتی محكمه کاتبنه
تسلیم ایللری ومدت مذکوره ختامندن صکره اوچ
کونده یعنی ۳۲۰ سنه سی کانون نانیسنک ۱۰ نجی
بازار ایتسی ، ۱۱ نجی صالی و ۱۲ نجی چهارشنبه کونلری
ایکنی تجارت محكمه سنک افلاس اوطنه سنه کله رک
سنديک افندیلر مواجهه سنده الاجقلرینی اثبات وقید
وتصدیق ایتدیرملری ومدت مذکوره اثبات وجود
ایده میان الاجقلولر حقنده قانون مذکورک ۲۱۰ نجی
ماده سنه توفیقاً ایقای معامله اولنه جنی اعلان اولنور .

اعلانات شرعیه اجرا دائره سنده :

حاجی علی بکک متوفی دلاور افندی ذمتنده
بااعلام اله جنی اولان مبالغ معلومه نک تأمین استیفاسی
ضمننده مدیون متوفانک عهده سنده اولوب محجوز
واسکدار بدایت محكمه سی حقوق دائره سندن اعطا
اولنلر برقطعه اعلام نظامی موجب بنجه فروختی محکوم
بولنلر اناطولی حصارنده کوکسو موقعنده دقیق
دکرمانی قرینده واقع مقاطعه لو وقف اولوب یدی
نومرو ایله مرقم بولنلر ایکنی دوئم مقداری برقطعه
ترلانک اشبو تاریخ اعلاندن اعتباراً اون بش کون
صکره بالمزایده فروخته تشبث اولنه جغندن طالب
اولوب پی سورمک ودها زیاده معلومات المق
ایستیانلرک مدت مذکوره ختامندن صکره درسعادت
اعلامات شرعیه اجرا دائره سنه مراجعت ایللری
اعلان اولنور .